


113728 Kalkomp.

I Historia Scholarum
Mag. St. Dr.
Prasl. gymn. Magdal. en

Pävdag: 740.

Fechnerus Joh: Dissertationes de Graecorum scholis
et ecclesiis aigo & Mahometico preciosis —
habentias induit 1664.



J. F.
DISSERTATIONES
DE GRÆCORUM
SCHOLIS ET ECCLESIIS
Jugo Mahumetico
pressis;
Nec non
DE IMPERII TURCICI STATU
& Oppugnatione,
IN ACTU VIRLINGIANO
GYMNASII MAGDALENÆI,
D. 13. Martii, A. C. 1664.
habendas indicit
M. JOHANNES FECHNERUS.

VRATISLAVIAE,
Typis Baumannianis exprimebat Johannes Christoph. Jacob.



Lectori benivolo
Salutem, Observantiam, Amorem.

Ui memorī sortes populorum mente fre-
quentas,
Regnorumq; vices tragicas obitusq;, pe-
renni (cum
Quos eata Mnemosyne signavit codice te-
Expendis, priscis conferre recentia solers;
Respice sis terræ lacrymabile funus Achivæ.
En! quæ prælustri pulsabat vertice cœlos
Armorum Legumq; parens, cultissima nutrix
Virtutum, mater studiorum fertilis, orbem
Quæ totum Sophiæ melioris fruge replevit,
Heu! prostrata jacet Mahumeti calce feroci
Græcia, & antiquæ laudis vix sustinet umbram.
Scilicet Imperii nullius tanta porestas
Eminet, infestæ quam non vis improba sortis,
Et grave fatorum possit prosternere robur.
Non transit metas armata potentia, Numen
Illi quas fixit: Ruit alto à culmine Regnum,
Cum jam summa dies instat, cum terminus urget
Fatalis. Frustra defendunt mœnibus hostem
Turritis cives, Superum quem fortior armat

113728

I bn



Virtus,

Virtus, ultioris qnem concitat ira Tonantis.
Nil tunc proficiunt eductæ ad sidera moles
Murorum, nil arma juvant animiq; superbi.
Urbicapus Mavors & inevitabile fatum
Pulveris in formam redigunt arasq; focosq;.

Sic Hellas cecidit, ceciderunt Helladis urbes
Augustæ, quas fama loquax æquavit olymbo.
Urbs ubi nunc Cadmi septem clarissima portis?
Arx ubi nunc Pelopis magni, bimarisq; Corinthi
Mœnia? Dic, veteres quo colle stetere Mycenæ?
Commonstra Spartæ convulsa cadavera: Nempe
Sub tumulis tumulata jacent hæc oppida cæcis,
Nec tantæ superant vestigia certa ruinæ,
Nec decoris lapsi signum. Fuit Argos & ingens
Gloria Cecropidum, fuit Elis nobilis. Ipsæ
Nil Pandionix jam sunt nisi nomen Athenæ.
Vah sævæ sortis ludibria! Culta Minervæ
Arx ululis præbet diris collapsa latebras.
Barbariem spirant Scythicam vicina locorum,
Doctæ quæ quondam resonabant voce Sophorum.
Has subiit miseranda vices urbs Attica, castæ
Palladis & Consi certamine clara, per omnem
Artes quæ sparsit doctrinâ traduce mundum.
Nil præter curtas hic est spectare proseuchas,
Quas pescatorum colit excors vappa, vel atrox.
Prædonum tribus, ex rapto quæ vivere s̄evit.
Pars melior terram curvo proscindit aratro.

Omnia fatali populatus acinace Turca

Barbarus, ingenuas cultis cum moribus artes
Exegit tota dudum regione, Camoenas
Ipsas exegit. De rupe bivertice Phœbus
Fugit inops exul: Spoliatus Pindus honore
Daphnonis nitidi, dumis deformibus horret.
Cultior humano pede non adeundus Imaus
Est Helicone sacro, Cyrrhaeq; cacumine calvo.
Bœoti sunt Bœoti, neq; vatibus undas
Vocales fundit vervecum patria Phocis.
Lympha caballini laticis, libata Poetis
Olim, nunc Geticos nutrit limosa caballos.

Sed quid ego memoro montes fontesq; canoros?
Omnia somnia sunt, sunt omnia somnia, Pastor
Ascræus dio quæcunq; poemate narrat.
Fabula Pieridum nunc facta est fabula vera:
Nullas nam Musas hodie sovet Aonis ora:
Pro Musis mulas alit immanesq; camelos.

Nil est cum Phœbo, nil cum Libethride Turco
Immiti: Gaudens Otmanica Porta cruentis
Bellum ferale studiis indixit honestis,
Nec patet ingenuis firmata tyrannide longa
Artibus, ad placidam quæ formant pectora vitam.
Non bene conveniunt nec in unâ sede morantur
Crudelis ruditas & blanda scientia rerum.
Hinc Geta trux vertit Græcorum docta Lycea,
Et potior lixa est illi sapiente magistro,
Qui docet adversas truculentis moribus artes.
Sentit in immensum vires sibi crescere crudâ

Barbarie:

Barbarie: Hæc ipsi numerosum sufficit agmen
Latronum: Hac feritas se vindice Turcica munit.
Hanc igitur Grajo ferventer in orbe tyrannus
Odrysius dudum ferro domitore propagat,
Ac decimas rapit è Christjana pube subactæ
Gentis, & inde sua fortissima robora promit
Militiæ, quibus instructus, ceu congrege cœtu
Ditis, Christianos Furiis pugnacibus urget.

Eheu! Quò ventum est? Quò lapsa est Græcia? Ab illâ
Quantum mutata est hodiè doctaq; piaq;?
En! Gens quæ Christo produxit germina quondam,
Hostes nunc Christi nutrit Satanæq; ministros,
Qui blasphemæ agitant infandis orgia sacris,
Mophtius horribili dum detonat ore tremendas
Corani leges. Sed portio fecis Achivæ,
Illic quæ restat, nostri mysteria JESU
Hiscere vix audet, tenebrosis abdita clostris,
Et servile jugum tolerat dejecta tot annos.
At tu reliquias Danaūm & miserabile fatum,
Quod confessa Crucem sacram fert turba, revolve
Tecum mente piâ, Getmania chara, maloq;
Cautior alterius vitare pericula disce,
Disce cavere truces pœnas, resipiscere promta.

Musas jam dudum profugas Helicone Pelasgo
Hospitio propensa tuo concessit Olympi
Gratia, teq; sacri lustravit lumine Verbi.
Nemo po est numerare scholas & culta lycea,
In quibus omnigenæ multa cum fruge docenrur

Artes , & pietas animis sincera tenellis
Gnaviter inseritur. Sed quid Germana juventus?
Hæc tanta ubertas illi fastidia præbet,
Segnis ut Argolicos ad fontes visere , Grajam
Res sibi habere suas jubeat cum Pallade Musam.
Certè Cecropiæ circum subsellia Pithûs
Trossulus exultat rarus , qui discere curet,
Fæcundo sermone sagax quæ prodidit Hellas,
O cæcas verò mentes! O pectora lœva!
Siccine fas lingvam stolido contemnere fastu,
Artes quâ docuit meliores gnava vetustas?
Unde fluunt rivi lymphâ prægnante bonorum?

Est igitur nostrum , quibus est injuncta docendi
Publica cura, pigram stimulare subinde juventam.
Ac residi thyrsos monitorum adhibere frequentes,
Rectius ut sapiat, dimisso errore maligno,
Etdiscat mites reverenter habere Camœnas.

Artes ingenuas , cœlestia munera , nemo
Impunè spernit. Vindex ulciscitur ira
Numinis ingratos hominum , & socordibus auffert
Palladium Sophiæ sacrum dotesq; benignas
Musarum. Mox Tartaricis invecta camelis
Barbaries loca cuncta replet ruditate feroci.

Cur igitur cessas , pubes, resipiscere? Sacras
Pieridum sedes cur visere negligis? Instat ,
Instat atrox hostis, qui vastat acinace diro
Templa Scholasq; pias. Exemplum flebile præstat
Græcia , Barbariâ quæ nunc mage barbara fertur.

Hoc

Hoc est, quod teneram cras nostra monere juventat^m
Svada parat, Numen si nobis faverit æquum.
Sed Vos, qui doctas proclivi mente sovetis
Castalidas, Mecœnates promptiq; Scholarum
Fautores, nobis venerandi semper honore
Præcipuo, jam-nunc solenni more rogamus,
Ut, si quam rerum graviora negocia pausam
Permittunt, operas scholici intervisere ludi
Et faciles nobis aures adhibere velitis.

Quod superest, summum devota in vota vocamus
Numen, ut à nostris clades avertat acerbias
Oris ac vires truculenti conterat hostis,
Exitium Christi populo qui triste minatur.
In solo spes firma DEO est: Hic proteget agmen
Christiados parvum, & Musis præstabit asylum
Securum, studiis ut ritè operentur honestis.

Prop. publ. a.d. 12. Martij
A. C. 1664.



Dicent

Dicent

I. Preceptor, disserturus de Scholis publicis Graecorum Mahumesica tyrannide
oppressis :

II. Discipuli,

1. Prologus, Titus Ferdinandus à Mudraß:

2. Declamaturi,

1. De Sorte Ecclesiarum Graecarum sub jugo Turcico afflictissimâ, Georgius Leuchiius Plavia-Variscus, (Gracè)
Esaias Saxon-Hirschbergensis.

2. De Statu Imperii Turcici ejusq;

1. Viribus, ratione

1. Imperatoris ipsius vel Tyranni Otmanici, Tobias Rößnerus, Sora
Lusatius,

2. Militie, Gotofredus Sprotta Vratislavensis:

2. Vitiis & imbecillitatibus intestinis ejusdem, Christianus Lindnerus
Sirebensis; cui subjunget carmen Germanicum,
Gotofredus Winterus, Oljn.

3. Exposituri sentenias diversas de Turcarum viribus terra marisque op-
pugnandis & frangendis, sub persona 4. populorum orbis Christia-
ni, quibus cum hostibus istis barbaris hactenus præ & pro ceteris
Europæis fuit depugnandum;

1. Germani, Johannes Ernestus à Frankenberge /

2. Hungari, Fridricus Schneider ex Hungaros Schemnicensis,

3. Hispani, Theophilus Wagnerus, Vratislavensis,

4. Veneti, Christophorus Pricelius Dracomontanus :

4. Recitaturi Psalmum 79 aliasq; formulas prectionum, quibus Eccle-
sia contra hostes suos, præterim Turcas Divinam opem implorat,

Gottfried Fuchs/

Gottfried Heydenreich/

Tilemannus Hartman/

Andreas Hesse/

Christianus Fridricus Ritzing/

Zacharias Hensel.

5. Epilogus; Daniel Lindnerus, Dracomontanus.



Biblioteka Jagiellońska



str0009977

